

मार्निंग डोगरी न्यूज़ बुलेटि समें. 09.20 Hrs

<><><><><><>

एह आकाशवाणी जम्मू ऐ, बडलै खबरें च तुंदा सुआगत, पैहले खास-खास खबरें कन्नै नाटयपाल सिंह।

Headlines

- 1- प्रधानमंत्री नरेंद्र मोदी होरें आखेआ ऐ जे एनडीए सरकार दा मकसद भ्रष्टाचार गी दना बी नेई बर्दाश्त करना ऐ।
- 2- लोकसभा चुनाएं दे 7में ते खीरले गेड़ लेई प्रचार जोरें-शोरें कन्नै जारी, इस गेड़ तैहत 57 लोकसभा सीटें पर पैहली जून गी वोट पाए जांगन।
- 3- बड़ी मती गर्मी आले मौसम गी दिक्खदे होई डिव.काम होरें जिला सतह पर बिजली ते पानी दी सप्लाई पर निगरानी करने लेई नियंत्रण कक्ष खडेरने लेई हिदायत कीती। मौसम विभाग नै लोके गी अपील कीती ऐ जे ओह दपैहरी बाहर नेई जान ते घरें च गै रौहन।
- 4 केंद्र शांति प्रदेश दी सरकार नै एतिहासित थाहरें पर नमें निर्माण करने पर पाबंदी लाई ऐ।
- 5 विश्व पैरा एथलेटिक्स प्रतियोगिता च भारतीय खडारिं दे प्रदर्शन आस्तै प्रधानमंत्री होरें उंदी सराहना कीती।

हुन खबरें दी तफसील कन्नै श्रुति खजुरिया।

<><><><><><>

PM-Interview

प्रधानमंत्री ते भारतीय जनता पार्टी दे वरिष्ठ नेता नरेंद्र मोदी होरें आखेआ ऐ जे राष्ट्रीय जनतांत्रिक गठबंधन सरकार दा मकसद भ्रष्टाचार गी दना बर्दाश्त नेई करना ऐ। उनें आखेआ जे सरकार सबूते पर आधारित कार्रवाई पक्की करदी ऐ ना गै कुसै धारणा पर। इक समाचार एजेंसी गी दिते गेदे इंटरव्यू च प्रधानमंत्री होरें आखेआ जे जिसलै बड्डे अपराधी पकड़े जा'रदे न ते निकके स्वार्थे पर सवाल पुट्टे जा रदे न। श्री मोदी होरें आखेआ जे उनें म्हेशा इक नीति दे तैहत शासन करने पर ध्यान दित्ता ऐ। उनें जोर देइए आखेआ जे उंदी सरकार दा हर फैसला देश गी सब्बनें शा उप्पर रक्खियै लैता जंदा ऐ। प्रधानमंत्री होरें आखेआ जे आत्मनिर्भर भारत दी सोच कन्नै सरकार दा मकसद देश दे हुनर गी उभारना ते रोजगार दे नमें मौके पैदा करना ऐ। उनें नमी पीढ़ी दी आसां समझने ते उनेंगी पूरा करने आस्तै जरूरी मंच उपलब्ध कराने पर जोर दित्ता।

<><><><><><>

7th Phase

लोकसभा चुनां दे 7में ते खीरी गेढ़ लेई चुनांस प्रचार होर तेज होई गेदा ऐ ते सब्बै पार्टियां मते शा मते लोकें गी अपने पक्खे च करने लेई अपनी पूरी टिल्ल ला करदे न। इस गेड़ तैहत 8 राज्यें ते केंद्र शासित प्रदेशें च फैली दिएं कुल 57 लोकसभा सीटें लेई मतदान पैहली जून गी होग। इस गेड़ च 904 मेदवार चुनां मैदान च न। इंदे च पंजाब ते उत्तर प्रदेश दियां 13-13, पच्छिम बंगाल दियां 9, बिहार दियां 8, ओडिशा दियां 6, हिमाचल प्रदेश दियां 4, झारखंड दियां 3 ते केंद्र शासित प्रदेश चंडीगढ़ दी 1 सीट शामिल ऐ। प्रधानमंत्री ते भारतीय जनता पार्टी दे वरिष्ठ नेता नरेंद्र मोदी होर अज्ज झारखंड दे दुमका हवाई अड्डे मैदान च इक चुनावी बैठक

गी संबोधित करंगन। मगरा ओह कोलकाता दा दौरा लांगन ते पार्टी दे मेदवार दे समर्थन च बैठक करंगन।

<><><><><><>

Div-Com Review

जम्मू दे डिविजनल कमिशनर कमेश कुमार हों हरे इक जिले च बिजली ते पानी सप्लाई सरबन्धी शकैतें दे नबेड़े आस्तै नोडल अफसर तैनात करने लेई हिदायत कीती ऐ। जम्मू खिते च पानी, बिजली ते सिंचाई सप्लाई दा जायजा लेंदे होई डिवकाम हों चीफ इंजीनियर्स गी हिदायत कीती ऐ जे ओह पाइपें दी मरम्मत, पीएचई मोटरें गी बदलने ते खराब ट्रांसफार्मर ठीक करने ते उनें गी बदलने लेई अपने अमले ते मशीनें गी तयार रक्खन। उनें इनें सेवाएं लेई एक्सईएन ते जेई गी जवाबदेह बनाने लेई आखेआ। डिप्टी कमिशनरें गी हिदायत कीती गेई जे ओह बिजली ते पानी सप्लाई सरबन्धी कुसै बी समस्या कन्ने निबबड़ने आले कम्में दी आपूं निगरानी करन ते जेकर कोई समस्या हुंदी ऐ तां फी तोले थवां तोले ओहदा नबेड़ा करन।

<><><><><><>

Jammu Heat Wave

जम्मू च गर्मी दा प्रकोप बरोबर जारी ऐ। मौसम विभाग मुजब जम्मू च दिनें दा तापमान 43 डिग्री सैल्यिस दे कोलकाल रवा रदा ऐ। जम्मू च कल दिनें दा बद्दोबद्द तापमान 42 अशारिया 8 डिग्री सैल्यिस ते घट्टोघट्ट तापमान 24 अशारिया 7 डिग्री सैल्यिस दर्ज कीता गेआ। आकाशवाणी जम्मू संवाददाता दी रिपोर्ट मुजब गर्मी आले इस मौसम करी लोकें गी खासी परेशानी पेश आवा करदी ऐ। मौसम विभाग नै बी लोकें गी अपील कीती ऐ जे ओह बड़ी मती

तेज गर्मी गी दिखदे होई घरें दे अंदर गै रौहन ते गर्मी च बाहर नेई निकलन। खूब पानी पीन, बाहर निकलदे मौके अपने सिर गी सिद्धी धुप्प पौने सवां बचान। करसानें गी बी सलाह दिती गेई ऐ जे ओह बी दपैहरी धुप्पे खेतरे च कम्म नेई करन। ओह अपने कम्म बड्डले जां फी संझा लै करन ते धुप्प थवां बचा रक्खन।

<><><><><><>

Samba Blast

साम्बा जिले च कल संझा होए दे इक धमाके च 3 लोक घायल होई गए न जिंदे च 2 महिलां शामिल न। इस बारै होर जानकारी देआ रदे न स्हाड़े साम्बा थवां जिला संवाददाता।

<><><><><><>

NDRF

राश्ट्रीय आपदा प्रतिक्रिया बल दे डी.जी पीयूष आनंद होरें आखेआ ऐ जे एन.डी.आर.एफ 24 घेंटे तैयार रौहने आला बल ऐ ते कुसै बी आपात स्थिति सरबन्धी जानकारी हासिल होने दे 30 मेंटें अंदर राहत ते बचा दल गी ऽजी दिता जंदा ऐ। आकाशवाणी समाचार कन्नै गल्ल करदे होई एनडीआरएफ आपदा प्रबंधन च लोकें दी बड़ी मती लोड़ हुंदी ऐ, एह किट्ठे रलिए करने आला कम्म ऐ। उनें लोकें थवां अपील कीती जे ओह अग्गे औन ते इस नेक कम्म च मदद करन।

<><><><><><>

ते हुन बाकी दिएं खबरें कन्नै नाटयपाल सिंह।

Historical-Monuments

जम्मू-कश्मीर दे समृद्ध सांस्कृतिक विरासत दा संरक्षण करने लेई जम्मू-कश्मीर सरकार नै इक ऐतिहासिक फैसला लैता ऐ जे विरासती ईमारतें च कुसा बी मैहकमे या संस्था दे नमें निर्माण

पर बंदश लाई दिती ऐ। संस्कृति ते जनजातिएं मामलें सरबंधी मैहकमें दी कारकरदगी दा जायजा लैंदे होई मैहकमे दे प्रमुख सचिव सुरेश कुमार गुप्ता होरें डिवकाम ते डी.सी-एं दी मौजूदगी च जम्मू ते कश्मीर च विरासती थाहरें दे पुर्णउत्थान, संरक्षण ते रख-रखाव बारे चर्चा कीती। जिनें विरासती थाहरें पर पुर्णउत्थान दा कम्म जारी ऐ, उंदे च सुमाह मंदर, अखनूर गुरुद्वारा सुंदर सिंह जम्मू थिन किला कठुआ, सलाल किले च बारूदखाना, ँीमगढ़ किला, डेरा बाबा बंदा सिंह बहादुर श्राइन च स्नानघर, रियासी च जनरल जोरावर सिंह पैलेस, साम्बा किले च बामुचक्क मंदर, क्रिमची किला, उधमपुर च लाडेन कोटली किला ते होरनें केई विरासती थाहरां शामिल न।

<><><><><><>

JK Govt. IIM

भारतीय प्रबंधन संस्थान आई.आई.एम जम्मू ते प्लानिंग, डिवेलपमेंट एंड मानिट्रिंग मैहकमे जम्मू-कश्मीर नै कल केंद्र शासित प्रदेश च प्रशासन च नमिं काड्डें ते बदलाव सरबंधी केंद्र CITAG स्थापित करने लेई इक सहमति पत्र पर दस्तखत कीते न। आई.आई.एम जम्मू दे निदेशक प्रो बी.एस सहाय ते PD&MD मैहकमे दे सचिव एजाज असद होरें सहमति पत्र पर दस्तखत कीते। CITAG केंद्र दे पूरे प्रबंधन दी दिक्ख-सुन्न आई.आई.एम जम्मू दे हत्थ होग। इस गें गी महत्वपूर्ण दस्सदे होई सचिव होरें आखेआ जे एह केंद्र जम्मू कश्मीर च विकास गी गति देने लेई सब्बै चाल्ली दे मौकें ते मंच प्रदान करोग। आई.आई.एम दे निदेशक होरें आखेआ जे उंदा मकसद जम्मू-कश्मीर गी मुल्खै दा सारें शा तेजी कन्ने प्रगति करने आहला केंद्र शासित प्रदेश बनाना ऐ।

<><><><><><>

Tobacco-Control Policy

इक ऐतिहासिक फैसले च जम्मू-कश्मीर सरकार नै तम्बाकू नियंत्रण बारै स्वास्थ्य संगठन दे फ्रेमवर्क कन्वेंशन WHOFACTC दी धारा 5.3 गी लागू करने लेई इक बाख्तयार कमेटी दा गठन करने दा हुक्म दिता ऐ। इस पैहल कन्नै तम्बाकू खिलाफ लड़ाई ते नौजवानें गी तम्बाकू दे नुकसानें सवां बचाने लेई कीते जा रदे प्रयासें गी बल्ल थहोग।

<><><><><><>

Apricot

उधमपुर जिले दी चनैनी तहसील दा बशत इलाका उच्च म्यार आली खुमानी दे बड़ी मती पैदावार करा रदा ऐ। एह सब किश साजगार मौसम ते नमी तकनीकें आली खेतीबाड़ी करी मुमकन होआ ऐ। एहदे कन्नै केई लोकं गी लाह बी होआ रदा ऐ। इस बारै अपने विचार सांझा करदे होई उत्थुआं दे बसनीक ते बागवानी अफसर होरें आखेआ।

<><><><><><>

Kathua-Water

कठुआ जिले दी घाटी पंचैत तैहत पौने आहले बदनाल गां च लोकें गी पानी दी बड़ी मती कमी दा सामना करना पवा रदा ऐ की जे गर्मी कारण उत्थे पानी दे सारे स्रोत सुक्की गेदे न। गां आहलें हून पराने खू दी राक्खी करा रदे न ते प्रति परिवार त्रै बाल्टी पानी गै दिता जा रदा ऐ। कठुआ सवां आकाशवाणी दे संवाददाता प्रदीप शर्मा नै खबर दिती ऐ जे गर्मिं दौरान बदनाल गां दे 35 परिवारें गी हर बरै पानी दी कमी दा सामना करना पौंदा ऐ। उनें जानकारी दिती जे

ग्रामीण विकास मैहकमे आस्सेया 5 खूं दा निर्माण कीते जाने बाद बी स्थिति च कोई बदलाव
नेई ऐ की जे सब्बै खू सुक्की गेदे न। आकाशवाणी कठुआ दे संवाददाता कन्नै गल्लबात करदे
होई किश गां आहलें ते एक्सईएन पीएचई ए.के गुप्ता होरें आखेआ।

<><><><><><>

PM-Para

प्रधानमंत्री नरेंद्र मोदी होरें विश्व पैरा एथलैटिक्स प्रतियोगिता च भारतीय पैरा एथलीट
खडारिं दे शानदार प्रदर्शन उप्पर खुशी जाहर कीती ऐ। इक सोशल मीडिया पोस्ट च श्री
मोदी होरें जे खडारिं अपने शानदार प्रदर्शन कन्नै 17 तगमें जिते ते छड़े 7एं बरें च 34में
थाहर परां 6में नंबर पर पुज्जी गए। उनें सब्बै खडारिं ते उंदे कन्नै कम्म करा रदे अमले
गी इस शानदार उपलब्धि पर ममारकबाद दिती।

<><><><><><>